

Meje Po Carte Copiya Pablo Tatina, Tesalonica Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomonaes Tesalónica tomarapiwi

¹ Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonaes Tesalónica tomarapiwi pamxaem pomonaes painya nejume cowantsiwixae Jesucristo. Paxam pomonaes pam pomonaes painya neyawa jinompaewi Nacom, pon Waxa, xua matautano Jesucristo, pon jiwu Pecanamataxeinaein. Barabu Nacom, Waxa, iru Jesucristo, pon jiwu Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya juntema painya nejinompaenexa.

Meje yabara xua Pablo yabara paeba xua Tesalónica tomarapiwi pinae beta jume cowanta

² Pacata tsipaebeibatsi Nacomtha, pajan tsaibi Nacomtha: “Nacom maisa pajuntu coyene weiweinan xua daxita Tesalónica tomarapiwi beta jinompa, pomonaes pecajume cowantsiwu”, pajan tsaibi Nacomtha.

³ Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowantsiya cata exana dubenanaebiya. Matautano, bichocono necaantobexae daxota ayapusya cata nacuita dubenanaebiya. Maisa bichocono barapomonaewanaewateiba xua Jesucristo pia pepatopeicaewanexatsane, pon Pata Tanecanamataxeinaein”, pajan tsaibi Nacomtha.

⁴ Paxam pomonaepainya nejume cowantsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonaepaca exanaetsi.

⁵ Poxonae Nacom pia pecapanenebiyae diwesi jume paca tsipaebatsi jopa saya meisa u pata jume. Jame apara Nacom pia Pejumopectaxatatsi pia peyapus itorobi coyenewatha tatsi pana yawena, xua pata cueicueijejewa. Barapo diwesi bara xaniwaicha jume cowantatsi xua barapo diwesi bara pexainyei jume. Bara beta payaputaneme xua bara beta pajinompan painya itatha xua pata paca ajuntucoyenes exanaenexatsi xua iruntucoyene xanepanaya painya nejinompaenexa.

⁶ Paxam paexanaponame icha paichin xua pocotsiwa paexanaponan. Matautano beta paexanaponame icha ichi poxonae beta exanapona pon jiwi Pecanamataxeinaein. Bequein ichamonae atene paca exana painya nejume cowantsixae Jesucristo, ichitha barapo diwesi awiya juntucoyene weiweinaya pajume cowantame. Barapo pejuntucoyene weiweinae coyene Nacom pia Pejumopectaxatatsi paca cata.

7 Baxuan painya neexanaexae daxota ichamonaе pomonaе pejume cowantsiwi Jesucristo, pomonaе Macedonia nacuapiwi, barapomonaе exana pocotsiwa paexaname. Iruru baxuan exana pomonaе Acaya nacuanpiwi.

8 Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamonaetha. Barapo diwesi Macedonia nacuapiwi iru Acaya nacuapiwi jume tane. Jopa meisa barapo nacuabepiwi bara apara daxita nacuanpiwi iruru jume taneru. Daxita barapo jiwi paca yabara yaputane xua painya nejume cowantsiwa Nacom. Daxota jopa panantawenonaеinyo xua paca yabara paebatsi ichamonaetha.

9 Nama barapomonaе pana neyabara paeba xua paxam panententa weyataeya wabame. Matautano barapomonaе paca yabara paeba xua pinae paxam ibo nacomun po ibo nacomun copiya wunaе pajainteibame pabebam painya nejume cowantsixae Nacom. Matautano paca yabara paeba xua bapoxonaе patamropatarucupame xua pata taexaname Nacom pia petanacuichiwa tatsi, pon yatsicaewa pepa Nacom, pon ataya tsitecaeya asu pepoponaein.

10 Matautano barapomonaе pana netsipaeba xua pinae paxam Jesus pawunaе ewatame xua pepatopeicaewa peitaboco wetsica. Barapon Jesus Nacom Pexanto tatsi, po Pexantoxae Nacom asu exana petupaе coyene cuiru weya. Barapon Jesus naca napaeba exanaena Nacom beya, poxonaе Nacom copatsina xua jiwi bichocono peraxa jubebinchi abe peexanaexae.

2

Meje yabara po coyeneya Pablo tanacuita Tsalónica tomarapiwi

¹ Patamonae paxam pomonae pam pomonae iru painya nejume cowantsiwi Jesucristo icha paxan paichin. Payaputaneme xua tapaca siwa ponae-watsi baxua wnae pata cayawenaexaetsi.

² Poxonae Filipos tomaratha paponan, barapomonae abe pana exana. Yawa tsu mu jumeya pana tsipaeba. Bequein barapomonae baxua pana cana exana ichitha payaputaneme xua Nacom pana yawena tapata catsipaebinexatsi barapo Nacom pia pecapanenebiyae diwesi jume. Baxua paexanan xua jopa juntu deideijeya paca tsipaebichi barapo diwesi bequein barapomonae pana jume matawenta.

³ Poxonae paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa.

⁴ Nama Nacom patsita juntu coyene xanepanan xua xainyeya pata tacueicueijeixae. Daxota Nacom pana neitoroba xua pata tapaebinexa pia pecapanenebiyae diwesi jume. Apra jopa baxua paexanaeinyo xua daxota jiwi pata taneweyataenexa. Jame apra baxua paexanan xua Nacom pata taneweyataenexa. Barapon pana nejuntu coyene yaputane xua poxonae paexaneiban.

⁵ Paxam bayatha payaputaneme xua jopa paca tsipaebichi po jume ba jiwi piraichi jume wɥnaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara paexanaeinyo.

⁶ Jopa bapana paichichipaeinyo xua jiwi wɥnae pata tanejainchiwa, xua poxona metha bequein bara barapomona pam, ichacuitha xua poxona bequein ichamona irɥ.

⁷ Bequein paxan pana itacɥpa xua pata caitorobiwatsi, bequein bara Cristo pia peitorobi jiwi tatsi pan, daichitha jopa paexanaeinyo barapo coyene. Nama apara saya bewayo paca yayawenaponatsi, icha be pocotsi coyeneya petsiriwa ichi poxona pia pexui bewayo wichitiya yayawenapona.

⁸ Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxona daxota barapo coyenewa, bara yawa daxita muxuna paca yawenatsi daxita pata juntu coyeneintha. ¡Bara jopa juniya pata paca antobewatsi!

⁹ Patamona pam, paxam pomona irɥ painya nejume cowuntsixae Jesucristo. Paxam payaputaneme xua bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matacabintha, yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompaewanexa. Jopa paichipaeinyo xua paca nacui matowa xeina exanatsi poxona paca

cuidubatsi Nacom Pejume Diwesi.

¹⁰ Paxam pomonae painya nejume cowantsixaemxae Jesucristo pana yaputaneme iru Nacom pana yaputane xua juntu coyene xanepanaya pata jinompaewa painya xantha daxita carepaya paxantha. Matautano Nacom patsita juntu coyene xanepanan, xua penatsicuentsiwa jopa bapon patsita xeinaeinyo. Daxota ichamonae jopa pana neyabara paebiyo xua abe pata pacata exanaewatsi.

¹¹ Matautano payaputaneme xua paca itorobatsi xua beta pajinompame. Matautano yawa payaputaneme xua paca juntu tsacabatsi xua xanepanaya painya nejinompaenexa. Matautano bara payaputaneme xua daxita paxam paca cui matateicatsi xua poxonae bichocono paanthutatanem tsaihi xua abe painya nepacata exanaexae ichamonae. Daxita barapo coyenein bara paexanan icha be pocotsi coyeneya coxian cana ichiya exana pia pexuitha.

¹² Paca itorobatsi xua bewa beta pajinompam, icha pomonae Nacom pejume cowantsiwi ichi xua bewa beta jinompae. Baraxua paexande poxoru Nacom paca wan duba piamonae painya paca exanaenexa xua painya nebaru itorobinexa tsane jiwi Nacom pia peitorobi nacua beicha tatsi. Nacom pia peitorobi coyenewa xua jiwi peitorobi coyenewatsi bichocono peitapanae coyenewa.

¹³ Matautano paxan Nacomtha patsipaeban pjanje: “Nacom maisa pajuntu coyene weiweinan xua Tesalónica tomarapiwi cajume cowanta poxonae patsipaeban jinya jume diwesi. Barapomonae nanta xeina xua po diwesi patsipae-

ban barapara jinya jume diwesi. Jopa nanta xeinaeyo xua barapo diwesi apara saya jiwi pia diwesi”, pajan Nacomtha. Xaniwaicha barapo diwesi apara Nacom Pejume Diwesi painya paca cana exanaexae xua icha juntu coyene painya nex-einaewa pomonae painya nejume cowantsixae Jesucristo.

¹⁴ Patamonae pam. Ichamonae atene paca exana pomonae painyamonae. Baxua paca cana exana, icha Judea nacuapiwi ichichi pomonae pejume cowantsiwi Cristo Jesús. Daxita barapomonae ajuntacoyenetane exainchi pomonae pi-amonae pomonae judiomonae.

¹⁵ Caena bayatha judiomonae pia pamo susato jiwi tatsi juteba, pomonae Nacom pia peitorobi jume pepaebiwi tatsi jutebatsi. Cotacaya icha judiomonae Jesús pon jiwi Pecanamataxeinaein tupa exanadutatsi naetotha. Matapainya anoxuae icha judiomonae pana yotaba pata penacae-tutsi bo weya. Pocotsiwan barapomonae exana Nacom baxuan jopa tsita xanepanaetsi. Barapomonae nacana exana pomonae daxita jiwi pia peaitafaetabi jiwichi.

¹⁶ Paichichipan xua patsipaeban Nacom Pejume Diwesi pomonae pomonae jopa judiomonae naexanaeyo xua iru Nacom pecapanenebiyaenexa tsane bequein judiomonae pata tanejume itawetsiwatha tsane poxonae patsipaeban Nacom Pejume Diwesi. Poxonae judiomonae barapo abe peexanae coyene pana tsixana bapoxonae opi duta wetsiya exana daxita po peabe coyenewan xua bayatha itacypatsi xua eexanapona. Daxota anoxuae

nama matapainya Nacom bichocono anaepana barapomonaetha. Nacom juntucuru peraxa jaba exanaena barapomonaetha, penatsicuentsexae abe peexanaexae bapontha.

Meje yabara xua equeicha Pablo besiwa pon-aena Tesalónica tomarapiwi

¹⁷ Paxam pomonaetha patamonae pam, poxonaetha bequein paxan taju paca cuenta enatsi, xua saya bara caetha jopa imoxoyo paca taetsi, ichitha paca yabara nanta xeineibatsi pata paca itax-aneibixatsi. Bichocono paichichipan xua pata paca cataewatsi.

¹⁸ Paxan matowa paichichipan xua caewa pata paca siwa ponaewatsi. Xan, Pablon, ichacuitha matowa nanta xeineiban xua paca siwa poneib-inchi. Ichitha caurimonae pia pentacaponaein tatsi, Satanás, pana necui yancababeiba.

¹⁹ Ichichipan paca siwa ponatsi poxoru paxam pana necana exaname xua pajuntũ coyene weiweinan. Barichi paxam pomonaetha pana necana exaname xua pawanaetha ewatan. Barichi paxam pomonaetha pana necana exaname xua matowa payabara paeban pocotsiwa xua paexanan poxonaetha paca cuidubatsi. Poxonaetha Jesucristo pon jiwi Pecanamataxeinaein equeicha caewa patopeicaena bapontha paca yabara paebinchi po coyene xua paxam pana necana exaname.

²⁰ Xaniwaicha paxam pomonaetha pam pana nejuntũ coyene weiweina cana exaname. Matautano paxan pomonaetha pana necana exaname xua paca yabara wanaetha jainchinchinchi Jesucristo peitabaratha poxonaetha bapon

peitabaratha tatsi paca baru umenaeinchi beta painya neexanaexae.

3

¹⁻² Jopa pana itacupaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowanta Nacom painya pia paca necataenexa tsanebe. Matautano juntucuru pananta xeinan xua Silvano compa paecaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena poxonae pacueicueijan Cristo pia pexeinya jume diwesi tatsi. Bapon Timoteo itacupatsi xua ajuntucoyeneyapusu paca cana exana. Matautano itacupatsi xua paca juntu cui tsacaba exana xua awiya mataropeichiya painya nejume cowantaponaenexam Nacom.

³ Bapoxonae dapon aibi tsane paxam jiwana pon ajuntucoyenefaetabiya jume cowanta xua ichamonae abe peexanaexae bapontha. Paxam bayatha payaputaneme xua daxota bewa ichamonae atene naca exanaena wajume cowantsixae Jesucristo.

⁴ Matautano poxonae cataunxuae paca baru enatsi, paca tsipaebatsi xua daxota bewa ichamonae naca atene exanaena poxonae nacata abe exana. Bara baxua bayatha exana barapomonae icha be pocotsi coyeneya bayatha paca tsipaebatsi, xuano payaputanemeno.

⁵ Tsipei xan jopa neitacupaeyo xua equeicha taewatsiwa xua tapaca yabara yaputaewa

tsainchi, daxota Timoteo itoroban. Bapon inta paca yainyabiya jei: “¿Bara awiya pajume cowanta dubenanaebiyame Jesucristo?” jei. Baxua beyaputaen tajunuwixae xua caurimonae pia pentacaponaein tatsi pon jiwí peñntu coyene jujtsin paca cui jujtsipa xua abe painya neexanaewa tsane. Bapoxonae pocotsiwa xua pata tapacata nacuichiwatsi jopa paca yawenaetsipae xua jopa xapain painya nejume cowantsixaem tsipae.

⁶ Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono jume xanepana xua pinae awiya pajume cowanta dubenanaebiyame Jesucristo. Matañtano yabara pana tsipaeba xua pinae nantiya pana naantobe tsurubenanaebiyam. Matañtano yabara pana tsipaeba xua pinae pana neyabara antobeya nanta xeiname matañta xua pinae bepana netaename, icha paichin xua bena tapaca taewatsi tsainchi.

⁷ Patamonae pam, paca tsipaebatsi bequein ichamonae painta ayapube exana yawa pana atene exana, ichitha pajñntu coyene sadñjan poxonae pajume tan xua pinae beta pajume cowanta dubenanaebiyame Jesucristo.

⁸ Poxonae paxam awiya beta pajume cowanta dubenanaebiyame Jesucristo, pon jiwí Pecanamataxeinaein, baxua pajñntu coyene sadñjan pata jinompaewatha Nacom nexa.

⁹ Anoxuae pana itacupa xua pata jeiwa: “Nacom maisa pajñntu coyene weiweinan Tesalónica tomarapiwí beta necajume cowantsixae”, pata jeiwa. Paxam pomonae pana nejñntu coyene wei-

weina cana exaname poxonae Nacom patsipae-ban.

¹⁰ Maticabintha, merawinthano Nacomtha pacata w_uqueibatsi. Nacom paw_uqueiban xua bara pata necopatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cowantsiwa Jesucristo pocotsiwa yabara pacata seica xua painya yabara neyaputaewa Jesucristo.

¹¹ Paichichipan xua Nacom pon Waxa ir_u Jesús pon jiwí Pecanamataxeinaein pana yawenaena xua pata paca casiwa ponaenexatsi.

¹² Matautano paichichipan xua Jesús, pon jiwí Pecanamataxeinaein, paca cana exanaena xua equeicha bichocono toxeinchiya paxenaponaename peantobe coyenewa xua nantiya painya nenaantobexaem tsane. Matautano paichichipan xua barapo peantobe coyenewa daxita jiwí painya tsita xeinaenexa icha paca ichichi xua bichocono paca antobetsi.

¹³ Matautano paichichipan xua Nacom pon Waxa, painya nepaca cana exanaenexa xua bichocono painya nej_unt_u coyene xanepanaewa. Matautano paichichipan xua Nacom pon Waxa bichocono aj_unt_uyap_us_uya paca cana exanaena. Barapoxonae paxam bichocono Nacom tsita j_unt_u coyene xanepanaeinchi. Barapoxonaeno jopa patsita natsicuent_usim tsane abe painya neexanaexae bapontha. Barapocotsi j_uta coyene awiya paexanaponaename beya poxonae Jesús pon Wanacanamataxeinaein, piamonae bar_u patopeicaena daxita.

4

Meje yabara po juntu coyeneya bewa jiwi tajinompae Nacom po coyene xua Nacom tsita xanepanatsi

¹ Patamonae pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorobatsi. Pocotsiwa paca cuidubatsi paxam bara paichinde. Bayatha paca cuidubatsi xua bewa equeicha mataropeichiya payajuntu coyene jinompaem po juntu coyene xua Nacom tsita xanepanatsi. Matautano anoxuae equeicha matowa paexanaponde barapo coyenein, po coyenein xua anoxuae paexanapona”, paca jeichi.

² Paxam payaputaneme po pecuidubiwan paca cuidubatsi apara barapo pecuidubiwan Jesús pana itoroba, pon jiwi Pecanamataxeinaein.

³ Xua jame Nacom pocotsiwa ichichipa xua paxam bewa bichocono juntu coyene xanepanaya pajinompaem Nacom peitabaratha xua daxota ichamonae patsita itapeinya xeiname xua bara Nacom painya neantobe jiwi pam. Jopa panasi cui exana dubenanaebiyaeinde ichamonae pia seurixitha tatsi.

⁴ Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuano xua jiwi tsita xanepanatsi. Matautano bapon bewa baru cui itura jinaena piowa pia peantobexae. Daxita barompaya pebiwi pam bewa iru bara paichim tsane.

⁵ Barichi barapo pebin jopa bewa exanae tsane barapowatha po coyene xua saya pia penaquenta exanaetsi. Tsipei ichamonae pomonae jopa Nacom yaputaeyo, barapomonae abe nanta xeina nawita xua yabaxi yabara xua penaquentsiwa yabara. Barapo coyene painya xoba paexaname.

⁶ Jopa paexanaeinde barapo abe peexanae coyenewatha pontha pon iruru pejume cowantsin Nacom. Jopa bewa papichim barapon piowa tatsi. Icha baxua paexanaetsipame pon jiwi Pecanamataxeinaein bichocono atene paca cana exanaetsipa abe painya neexanaexae. Bayatha barapocotsiwa paca muxuwetatsi.

⁷ Nacom jopa naca wun dubiyo piamonae wanaca exanaenexa xua abe waexanaponaewa tsane. Jame apara Nacom naca wun duba xua juntu coyene wunaeya wajinompaenexa Nacom peitabaratha tatsi xua daxota ichamonae tsita itapeinya xeinatsi xua bara Nacom pijimonae tatsi wanaexanaenexatsi.

⁸ Pon jume itaweta po coyene xua ichun pepichiwa yabara xua ichun piowa tatsi, apara bara bapon jume itaweta Nacom pia pecuidubi coyenewa tatsi. Jopa apara jume itawetsiyo pebin pia pecuidubi coyenewa tatsi. Barapon Nacom paca cata pia Pejumo pe tanaxu tatsi xua painya yawa jinompaenexa.

⁹ Po peantobewa xeina pomonae pejume cowantsiwi Nacom, xua nantiya caemonae peantobewa, xan jopa nantawenonaeyo xua yabara tapacata tinaewatsi barapo coyene. Tsipei Nacom pia coya paca cuiduba po coyene xua nantiya painya nenaantobewam tsane.

10 Bara baxua paexaneibame xua paantobe tsurubenanaebiyam daxita pomonae jinompa Macedonia nacuatha, pomonae pejume cowantsiwi Nacom. Ichitha paxam patamonae pam painya nejume cowantsiwixae Nacom, paca itorobatsi xua awiya mataropeicha paantobe tsurubenanaebiyama equeicha matowa.

11 Bichocono paichichipare xua painya neexanaewa xua po coyene meje: Juntema parubenanaebiyama, xua jopa pana najume matsontsonoba dubenanaebiyam. Matautano painya xoba patsipaebeibame ichamonaetha po coyenein barapomonae bewa exanae. Matautano barompaya painya penacuichiwan pana natsiexana dubenanaebiyama icha be pocotsi coyeneya bayatha paca tsipaebatsi.

12 Icha barapocotsiwa paexanaename ichamonae pomonae jopa Nacom pejume cowantsiwi paca baru cui itura jinaena xua bara beta painya neexanaexaem. Matautano jopa panantawenonaem xua ichamonae pawucame pocotsiwa xua panantawenoname.

*Meje yabara poxonae Jesucristo pon jiw
Pecanamataxeinaein equeicha caewa patopaetsica*

13 Patamonae pam, paichichipan xua painya neyaputaewa po coyene pexainyei coyene, xua petupaewi yabara. Matautano jopa paichichipaeinyo xua be wecoyeya rajinompame icha be ichamonae ichi pomonae jopa pejume cowantsiwi Nacom. Barapomonae be wecoyeya jinompa jopa xanepanaya pewanae ewatsixae

po coyene xua poxonae petupaewi equeicha asu tsane.

¹⁴ Waxainchi jume cowantatsi xua Jesús tupa naetotha xuano equeicha Nacom asu juina exana. Icha Nacom pexanto cana ichi, waxainchi jume cowantatsi xua Nacom bara cana ichi tsane pomonaetha pomonae bayatha werapa. Barapomonae pejume cowantsixae Jesús, poxonae werapa asu jujuina exanaeinchi xua Nacom exanaena. Nacom barapomonae baru jujuinya exanaeinchi Jesús, xua Jesús pemuxuna caponaenexatsi Nacom pexainya beicha.

¹⁵ Daxota paca tsipaebatsi pocotsiwa xua Jesús pana netsipaeba pon jiwi Pecanamataxeinaein. Yabara paca tsipaebatsi xua pomonae cataunxuae asu jinompa poxonae patopaena pon jiwi Pecanamataxeinaein barapomonae copiya jopa jujuinya exanae tsainchi xua Jesús pecaxibinexa tsainchi athabeicha. Jame copiya matha asu jujuina exanaeinchi pomonae bayatha werapa.

¹⁶ Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusu itorobi wawaiwa, xuano xua cueicueije matatsunpiwi pia pentacaponaein tatsi, xuano xua trompeta jume busi xubina Nacom pia trompeta tatsi. Bapoxonae pomonae Cristo jume cowantatsi xua pomonae bayatha yacui werapaeya othopa bapomonae copiya asu jujuina exanaeinchi.

¹⁷ Bapoxonae cotacaya waxainchi pomonae cataunxuae asu jinompatsi, pomonae wajume cowantsiwi Jesús naca cayawa muxuna caetucaetsiya caponaena pomonae copiya

pewerapaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein wacaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina.

¹⁸ Daxota barapo jumetha caemonae nantiya pana najuntũ coyene tsacabare xua painya neyaputaewa tsane, po coyene xua pewerapaewi yabara.

5

¹ Patamonae pam, jopa nantawenonaeyno xua yabara pacata tinatsi matabi, yawa dapae yabara xua poxonae Jesucristo pepatopeicaewa tsane.

² Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonae xapain jopa nanta xeinae tsainchi, icha pon pecaibin ichi xua jemeicha patopa merawitha.

³ Poxonae jiwi jei tsane: “Maisa jũntema jinompatsi tsipei daxita wũnae tsurucuae”, jei tsane, bapoxonae patopaena jemeicha po dapaetha poxonae jiwi bichocono atene exanaeinchi. Jiwi jopa itacũpae tsainchi xua panenebiyaena barapo peatenewa weya. Jiwi atene exanaeinchi icha yabũyo ichi xua bichocono bewa atene tsane xua pexuyo poxonae naexanaena.

⁴ Patamonae pam, paxam jopa dapocotsimonae pam, pocotsimonae jopa jume cowũntsiyo Nacom. Poxonae equeicha patopaetsica, pon jiwi

Pecanamataxeinaein jopa pana nabenaecaem tsane, icha jopa be ichiyo poxonaе jiwi nabenaeca xua pecaibin jemeicha patopa.

⁵ Paxam pomonaе Nacom payabara yaputaneme. Daxota beta painompame icha be ichamonae ichi, xua mataqueitha beta taeya jinompa xua pentha petsuncuaexae. Waxainchi jopa dapomonaetsi xua icha be ichi pomonaе abeya jinompa jopa pejume cowantsi jiwixae Nacom. Barapocotsimonaе be pomonaе poxonaе jinompa pequireiwatha, jopa beta jinompaeyo pequirei tsuncuaexae.

⁶ Pomonaе jopa pejume cowantsiwichi Jesucristo barapomonaе jopa tsaca jinompaeyo xua pewanaе ewatsinexa Jesucristo pia pepatopeicaewa tsica tsane. Barapomonaе be pocotsimonaе xua maita, xua jopa itacɥpaetsi xua penacosabiwa. Ichitha jame bewa waxainchi wacoutha barompaya jɥntɥ coyene coxonaetsi xua tsaca wajinompaewa poxonaе wɥnaе ewatatsi Jesucristo pia pepatopeicaewa tsica tsane.

⁷ Pomonaе ba xua maita, bara merawi maita. Iɥɥɥ pomonaе ba cɥpatsi peatsaxa mera, bara merawi cɥpatsi. Daxita barapomonaе jopa xapain Jesucristo wɥnaе ewatichi.

⁸ Ichitha waxainchi wajume cowantsixaetsi Jesucristo, daxota bewa jɥntɥ coyene coxonaetsi xua tsaca jinompatsi xua wawanaе ewatsiwa Jesucristo. Waxainchi xanepanaya bewa beta jume cowantichi Nacom. Matautano bewa beta nantiya naantobetsi. Barapo coyenebe naca jɥntɥ coyene yaitata xua jopa abe exanaetsi, icha soldadomon-aepin ichi xua nayaitata penaintotha xua nan-

tacari xatata xua pecawatsiyainwatsi dejonatha. Barichi waxainchi bewa jume cowantsiya wnae ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasia yaitata penain yoreitha xua peantasipabe exanaeyainwatsi.

⁹ Nacom jopa naca itapetsiyo xua wanaca atene exanaenexa wanatsicuentiswaxae abe waexanaexae bapontha. Saya apara naca itapeta wanaca capanenebiyaenexa xua Jesucristo wanaca tsitupaexae naetotha pon Wanacanamateinaein.

¹⁰ Jesucristo naca tsitupa naetotha wanaca baru jinompawa tsane pia nacuatheicha, bequein waxainchi bayatha werapatsi, yawano ichacuitha bequein waxainchi awiya asu jinompatsi, poxona bapon patopaetsica.

¹¹ Daxota paxam bewa awiya daxita nantiya pana najuntu coyene tsacabim. Matauta bewa nantiya pana naajuntucoyenesu exanaem beta painya nejume cowantsinexa icha paichiponaem xua anoxuae paexanaponame.

Meje yabara xua Pablo muxuweta pomonae Jesucristo pejume cowantsiwichi

¹² Patamonae pam, paca muxuwetatsi xua pabaru cui itura jinare pomonae painya xantha Nacom tanacuitatsi xua pomonae paca matakapona. Barapomonae paca muxuweta xua Jesucristo pon jiwi Pecanamamateinaein pecui itorobixae abe painya neexanaeyainwa.

¹³ Bewa barapomonae beta pabaru cui itura jinaem peainya cui jiwixae. Matautano bewa

bichocono paantobem xua barapomonaе betiya painya nepaca mataxeinaexae. Daxita pam nantiya j̄ntema jinompa pana naexande.

¹⁴ Patamonaе pam, paca itorobatsi xua jume daunweya pamuxuwere pomonaе afaetabi xua penacuichiwa. Paj̄nt̄u coyene cui tsacabare pomonaе j̄nt̄u coyene junuwiya jinompa ichamonaе atene peexanaexae barapomonaetha. Matātano payawende pomonaе jopa aj̄nt̄ucoyenes̄uya jinompaeyo Nacomtha. Bewayo payawende barapomonaе xua jopa painya neitaconaewam.

¹⁵ Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya paj̄j̄teibare xua nantiya painya nenata exaneibinexa, xuano ir̄u daxita jiwino.

¹⁶ Barab̄u tsitecaeya paj̄nt̄u coyene weiweina dubenanaebiyama.

¹⁷ Daxita matabi Nacomtha patsipaebeibare matowa.

¹⁸ Daxita pocotsiwa pacata exana bequein jopa pacata w̄naeyo, ichitha awiya barapocotsiwan yabara Nacomtha patsipaebeibare, pajam tsaibinde: “Nacom maisa paj̄nt̄u coyene weiweinan xua pata tana neyawenaewam poxonaе bequein painta daunwei tsaibi”, pajam tsaibinde. Poxonaе baxuan papaebame bichocono Nacom tsita xanepanatsi painya neexanaexae pocotsiwa Nacom ichichipa Cristo Jesús pia paca bar̄u jinompaexae.

¹⁹ Jopa paitawetsinde Nacom pia Pejumope t̄nax̄u tatsi poxonaе paca itoroba pocotsiwa

bewa paexanaem.

²⁰ Jopa pajume itawetsinde po diwesi xua icha-monae paeba pomonae Nacom Pejume Diwesi pepaebiwi.

²¹ Incane pajume taema daxita po diwesin xua barapomonae paeba icha bara metha xaniwaicha po diwesin pona Nacom weya. Saya paitapere po coyene xua pexainyeiwa.

²² Daxita po coyenein peabe coyenein panaitemare xua jopa painya neexanaewam abe peexanae coyenein.

²³ Bara Nacom, pon j̄ntema jinompa naca exana, barab̄u barapon paca j̄nt̄u coyene ayarus̄u exanaena xua j̄ra paca cana exanaena icha bapon ichi xua j̄nt̄u coyene xanepana. Matautano barab̄u Nacom paca j̄nt̄u coyene xanepana exanaena painya nejinompaewa tsane bapon nexa xua jopa painya nexainaewam penatsicuent̄siwa xua abe painya neexanaexae bapontha. Barab̄u Nacom beta paca jumope eenaena, yawano xua painya j̄nt̄u coyenewa, matautano xua painya pepon xua Jesucristo nexa pon Wanacanamataxeinaein xua beya poxonae bapon patopaetsica.

²⁴ Nacom ponxae xua paca w̄n̄n duba pia paca exanaenexa piamonae tatsi, bapon xainyeya pepaebin. Matautano bapon exanaena pocotsiwa xua bayatha yabara paca tsiw̄nae muxu duta.

Meje yabara xua Pablo najume wetsiya paeba

²⁵ Patamonae pam, painta Nacomtha w̄n̄queibare.

²⁶ Antobeya painta jacobare daxita pomonae patamonae pomonae Jesucristo pejume cowantsiwichi.

²⁷ Xan paca itorobatsi tsipei Jesucristo, pon jiwi Pecanamataxeinaein neitoroba. Paca jeichi: “Barapo carte painta yorobare daxita pomonaetha pomonae Jesucristo pejume cowantsiwichi”, paca jeichi.

²⁸ Jesucristo, pon Wanacanamataxeinaein, barab_u paca yawena pia paca necaantobewaxae.

Baja Pablo, ir_u Silvano, ir_u Timoteono ponbe necueyatabe.

**Nacom Pejume Diwesi po diwesi pena jume
diwesi xua Jesucristo yabara tinatsi
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022
e9c4c3a0-6dec-54a4-aaba-fb395e5eddc7